


Lepitan 1 Pupulan Puisi Bali Anyar “Aab Jagat” Kawian I Gusti Putu Bawa Samar Gantang



Pupulan Puisi Bali Anyar

AAB JAGAT

I Gusti Putu Bawa Samar Gantang



Penerbit **"PARAMITA"** Surabaya

Katalog Dalam Terbitan (KDT)

Pupulan Puisi Bali Anyar

AAB JAGAT

I Gusti Putu Bawa Samar Gantang

Surabaya : Paramita, 2009

vi + 74 hal : 12,5 x 18,5 cm

ISBN 978-979-722-669-5

Pupulan Puisi Bali Anyar

AAB JAGAT

Oleh : I Gusti Putu Bawa Samar Gantang
Lay Out & Cover : Udin

Penerbit & Percetakan : "PĀRAMITA"

email:penerbitparamita@gmail.com

<http://www.penerbitparamita.com>

Jl.Menanggal III No.32

Surabaya 60234

Telp. (031) 8295555, 8295500

Fax : (031) 8295555

Pemasaran "PĀRAMITA"

Jl.Letda Made Putra 16 B

Denpasar

Telp. (0361) 226445

Fax : (0361) 226445

Cetakan Desember 2009

SAMATRA ATUR PANGATER

Om Swastiastu

Cakepan puniki wantah pupulan puisi sane pakarding I Gusti Putu Bawa Samar Gantang. Panerbitan cakepan puniki medue tetujon mangda sastra Baline, lan ngaturang pamahbah, anggen titi pengancan mangda alit-alite tetep senang lan uning teken basa Bali. Duaning akidik pisan semeton Bali sane sujati uning basa Bali lan sor singgih nyane.

Dumogi cakepan puisi puniki numbuan kapitresnan para yowana Bali ring basa Bali, lan basa Bali Ajeg ring gumi Bali.

Om Shanti, Shanti, Shanti Om

Penerbit

I Gusti Putu Bawa Samar Gantang

iii

DAGING CAKEPAN

Lindu.....	1
Bagong.....	2
Nila.....	3
Sanghyang Aji Saraswati	4
Wantah I Dewa Indonesian Titiange	6
Rerainan Jagat Galungan	7
Rerainan Jagat Kuningan	8
Purbarini, Puisin Titiange, Tresnan Titiange.....	9
Kepangan 1983	11
Hotel Hastorenggo Kaliurang	13
Yening	14
Macengkrama Akesep.....	15
Kroda.....	16
Titiang Sareng Ragane.....	17
Komet Helly.....	18
Dasa Rahina Ring Malaysia.....	19
Limang Rahina Ring Singapura.....	21
Ngempel Kota Pala	23
Masan Ngeluku Ring Carik	24
Para Dewatane Menggah Piduka	25
Sayu.....	27
Mapas Pawana Masa.....	29
Puniki Gumi Matatu Miwah Lue	31

I Gusti Putu Bawa Samar Gantang

v

Lindu

Saking meneng
Tiang uning I Dewa tan pabayu
Tan pajiwa miwah raga

Tanah ring dija I Dewa maenjekah mulisah

Ngejer padang, wangunan, lan taru-tarune

Tatu nerus magetih
Membah ka tukade
Membah ka segarane
Membah ka langite
Mawali ka gumine
Neleng kuning sinar suryane

Saking meneng
Tiang uning I Dewa tan pabayu
Tan pajiwa miwah raga
Tan sida padem

Tabanan, 15 Januari 1980

I Gusti Putu Bawa Samar Gantang

1

Bagong

Bagong

Marion titiange pondok Dewata

Sasana budayan titiange pandita tanpa toga

Wenten angin kual ngulat cerawis kumbalan
ragane

Wenten igel trompong kebyar

Wenten tektekan Kediri-Kerambitan

Ngarenda paningalan - karnan ragane

Bagong

Wentenke ragane tatas uning

Kenyung kepuh kembar

Madon guak

Mabunga leak, rangda, pangpang

Nyaluk solah asu

Ngulun-ulun rikala mungmung

Tabanan, 27 Maret 1981

Nilu

Nilu angkasa

Nilu segara

Nilu ring suryan ragane

(WIDHI, WIDHI)

Rahinane madamuh ambun

Wengine magumintang sumpena

Tabanan, 20 Juni 1981



I Gusti Putu Bawa Samar Gantang

Sanghyang Aji Saraswati

Rahina mangkin, Saniscara umanis wuku
watugunung Suganda asep dupa menyan
Tembang kidung jelun genta
Nyukcuk kala nila agung
(genah wulan baskara nandak kala kauripan)

Rahina mangkin, saniscara umanis wuku
watugunung Rahina piodalan Sang Hyang Aji
Saraswati
(rahina pamarisudhaan, rahina Dharma Sastra)

Umbul, taman, Pura
Merik sumirit jempiring putih
Jenar wilis sandat cempaka
Suganda asep dupa menyan
Tembang kidung jelun genta
Nyangra Aji Mahamuni
Sukacita ngelinggihin angsa
Madayung tunjung jagat loka

Sitar ring tangan, ngejerang kaalusan
Ngumbah kayun sakancan meraga jadma

Rahina mangkin, rahina piodalan Sang Hyang Aji
Saraswati

Lontar pustaka asri nyandang aksara
Meneng kasangra canang dupa buratwangi
Iraga sami tayub masuganda; tamba, kumkuman,
wasuan
Madu bebayon, keasrian, kealusan
Mawinan, ning parisolah, ning laku, ning ucap
Duh, Sang Hyang Aji Saraswati, rarisang ambil
pangubaktian titiange
Rayunang kembang sarwa wangi
Banten suci, banten Saraswati, peras, daksina
Canang lengawangi buratwangi, penek, pesucian,
segara gunung

Tabanan, 27 Jum 1982



I Gusti Putu Bawa Samar Gantang

Wantah I Dewa Indonesian Titiange

Wantah I Dewa Indonesian Titiange
Telulas tali pulina
Kepagerin segara katah
Kailihin kelapa merdawa ring pasisi

Wantah I Dewa Indonesian Titiange
Siangolas awig-awig adat dresta
Karenda gunung marerod
Wilis ratna alas gesang

Wantah I Dewa Indonesian Titiange
Satak seket basa kawitan
Gunan melayu Austronesia
Indracapa unteng pamargin surya

Wantah I Dewa Indonesian Titiange
Kaulat sajroning puisi: sane becik

Tabanan, 17 Agustus 1982

Rerainan Jagat Galungan

(Raina mangkin, raina Buda Kliwon Wuku Dungulan)

Sapasira tan bagia
Antuk suecan Ida Sang Hyang Widhi Wasa
Asung wara kerta nugraha
Ngicenin kerahajengan sareng sami
Duh, Sang Penyuluh Jagat
Wilis wewarnane makta tis miwah santi
Akah - pucuk pelawane ngenyungang damuhe
Taler kramane masekar, gemuh landuh
Mawibawa nyunggi Dharma ring siwadwara
Nembangang kidung kawitan
Manunggal pawana ring penjor
Ring desa-kota
Lilacita taruna-taruni ngegarang galang kangin
Pupusja buut wengi matedung gulem
Matembok sayong
Masegara sehe enggengan pamangku
Masuganda sekar dupa asep menyan
Kantun kanten prarai siu Pura
Prarai dresta sane kapiolasang
Ngarauhin Sang Penyuluh Jagat
Miwah para Dewa - Pitara

Tabanan, 27 September 1982

I Gusti Putu Bawa Samar Gantang

7

Rerainan Jagat Kuningan

(Rahina mangkin, Rahina Kajeng Kliwon Uwudan)

Cakupan

Tangane Ring wijange

Ring lelata

Ring siwadwara

Kaayun-ayun antuk genta

Suganda nyambehang sekar

Asep dupa menyan

Ngiringin sang penyuluh jagat

Miwah para Dewa - Pitara

Mawali ka kahyangan

Selanturne para alit-alite

Magarang jinah bolong

Sarin bebanten

Keayun-ayunang antuk taru

Santi santi santi

Tabanan, 29 September 1982

Purbarini, Puisin Titiange, Tresnan Titiange

Purbarini, ayun puisin titiang sane metu saking toyan
smara
Keracik saking pranajiwa Ida Sang Hyang Widhi
Wasa
Sedaweg kamiri kapepes kausap-usap antuk daun
dadap
Sedaweg woh sawita makawipta kapecik
medamping silik salak nasak
Tan ngentangjenar ring siratmaya
Pangaksian ring palatra
Prarai ring pisuh
Segu ring untu
Kekeh ring cokor
Duka ring daki
Tatu ring polah
katemu ring jampi
mala ring kimud
paos ring lidah
baos ring kutu
ndih ring nyali
suara ring urat
da
di
du

I Gusti Putu Bawa Samar Gantang

9

da
ua ua ua
ua
ayun, puisin titiange makakeb
malinggih
magaang
mawarih
mekoratan
ica
nangis
tan uning
ncen ngalub
ncen mabo
ncen pait
ncen lalah
ncen manis
ncen pakeh

Tabanan, 28 Oktober 1982



Kepangan 1983

Ring lemahe sanglir
Langite kuning sengir - mangsit
Rapuh
Madidih bir

Ring lemahe sanglir
Paksi-paksine magresoan ngrereh sebune
Sarwi ngetang gumintang
Baskara taler tawah ring sejroning genah
Wanadri maasta waja gesang
Segara majelun tangis kalawan ica
Asiki ndut asiki lulu

Ireng petak ireng
Kalih panglelana adung rasa
Aas kalangen nangkep kala miwah genah
Nyangih ulam mriogang madu acangkir

Ireng langit ireng segara ireng gumi
Umbara
Penumbra
Korona

Tampes :

Aldebran
Betelqusa
Sirius
Procyon
Capella

Panglelana
Ngametuang rare sujati
Lidah jaruh nyilapin prarai
Lemahe kembang lemlem
Prarai sane sasuen rahina puniki
Ngemanyingang gedeg
Ngemunyang purana

Ijanagi - Ijanami, Amiterasu Omikami
Amonra, ratih Kama, rawu kala
Mogi sampurna !

Bangras alus
Nulak ngabih kaadungang urip
Utawi
Sengkala ?!

Tabanan, 13 Maret 1983

Hotel Hastorenggo Kaliurang

Titiang angob ngantenang wanadri pawanane
Langit miwah gumi ngewaliang nila baskara
Ahes sayong miwah asepe
Angkab-angkab tunggil rupa lan warna
Saking - sor ngeluhurang Merapine
Hotel Hastorenggo kaliurang ngererengi
Umung nyibak mungmung uyung uyun peluh lan
awu
Marajah purana wira wangsa
Jagat mahardika

Yogyakarta, 25 Maret 1985



Yening

*(majeng ring Kombes Pol. Drs. I Gusti Made
Nurdjana, SH. Ph.D, Asrena Kapolda DIY)*

Yening wre kruak-kruak
Bawi guak-guek
Wedus mbak-mbek
Andara nggak-gek
Perit - petingan cruat - cruet
Punika kaodar ring pangaksian
Wetenge uyang lidahe pait bungah
Gumine wiakti bungah
Gending mregane wantah cihna
Abengong duta lara
Ngeringgi tang sungkan jagat

Tabanan, 1 Juni 1985



Macengkrama Akesep

Misahang raga saking lawat
Eling dauh miwah genah
Asih kinasih ring purana wulan gumintang
Mabebaosan indik kawitan
Ngemuhang Widhi

Tabanan, 2 Desember 1985



Kroda

Puniki kroda saking geni
Murub ati anjungan
Angobar - obar
Ngawetuang raos celole
Matatu miwah kaku
Butha kapingan
Nyapa kadi aku
Awor maurab aab jagat

Tabanan, 14 Desember 1985



Titiang Sareng Ragane

Ayuta hasta kara
Ayuta pangaksian
Ayuta angen nyolahang smara purnama
Titiang nyangra
Ragane makenyung kemanten neleng nila ambara
Wenten akesiaban kliab nila ring panyuryanane
Kalangen suitra riwekas
Akudang warna jerijin rahinane ngarenda subakti
Rerampean lawat masekar
Masikian warna ring wengi
Ring asiki nyumpeña
Ring asiki prana
Ring asiki marga dawa

Tabanan, 3 Maret 1986



I Gusti Putu Bawa Samar Gantang

Komet Helly

Sirah utawi ikuh
Titang angob ring panyuryarian duda
Ring selagan sayong Oort
Maelogan puyung
Tis
Mungmung
Maring remrem langgeng
Nuluh raga
Sengkil nyepit nyapnyap
Sasengkil
 Meteroit
 Asteroida
Nulungin
 Galaxi Bima Sakti
Masemaya ring jam -jam wesi
Ngesengen orti sahinganing langit
Apeilehan gumi
Kimud
Segu
Genah - kala
Maya

Tabanan, 11 April 1986

Dasa Rahina Ring Malaysia

*(mewali saking Airport Ngurah Rai Tuban Denpasar
ngangen pelinggihan Mass Malaysia tiba ring Airport
Subang Kuala Lumpur kamarginin duang jam tengah)*

Langite pelung makenyung
Segarane geduh-geduh makenyah-pelung
Langit lan gumine karasa mabandung angin
segara Kesar-kesir nudut kayun, kesiang-kesieng
awake uyun Minab getihe mebunbun ring ubun-
ubun

Saking Kuala Nerang, KualaTrengganu, Kuala
Dungun, Kuala Kangsar

GumentosKualaLipis,KualaLumpur,KualaMerchong,
Kuala Pilah

Jagat Melayune karasa linggah galang katerangin
Selat Malaka

Saking Batu Gajah, Batu Putih, Batu Pahat mepager
dresta adat

Jagat Melayune karasa teguh kukuh ngajengang
awig manut aab jagat

Saking Perlis, Kedah, Kelantan, Perak, Kampar,
Pahang, Selangor, Gumentos Klang, Seremban,
Malaka, Segamat, Kluang, Johor

Jagat Melayune karasa ingkup mupulang purana
sastra

Yan Menggah jayeng ranan jagat Melayune

Minakadi Hang Tuah, Hang Jebat, Hang Lekir, Hang
Lekiu, Hang Kesturi
Lan Laksmana hulubalang pecalang Melayu sane
ngemit Selat Malakane
Tan wenten begal purun angusak-asik ngarubeda

Manegane sukacita ngarereh kauripan ring segara
Selat Malaka, Saking Tanjung Dawai ring pascima
kantos Tanjung Tohor ring purwa
Rikala rahina becik galange apadang gadang
makebyar

Dasa rahina irika, ring Malaysia
Watek sameton Nusantaraane sane ngangge basa
Melayu
Macentokan susastra ngawit saking Kuala Lumpur,
ngelantur
ring Morib, Klang tur kasineb
ring Bukit Kayang
Manah titiange rumasa santa mapuspa sandat
cempaka
Rikala pacang budal praya ngalimbakang
Kasusastraan Melayu Indonesia

Taman Sepakat, Kuala Lumpur, 2 Juli 1986

Limang Rahina Ring Singapura

*(Ngawit saking Kuala Lumpur Malaysia ngelinggin
Kreta Api Express, ngeliwatin Kajang, Sremban,
Segamat, Kluang, Johor, Johore Bahru, nyebrang ring
Kranji, tumerus Bukit Mandai, Jurong, Bukit Timah,
Ulu Pandan, Pasir Panjang)*

Rauh ring kota Singapura wulane nerder kenyer-
kenyer
Nanging wengine monyer ring Ang Mo Kio
nyentokang idep
Narka wewangunane rata teguh pajelegjeg nyujuh
langit
Makenyung gumintange angulap-ulap tumasik
segarane
Pajeegan gununge tunggul asri tur agung
Tan papekatan angob manahe maosang uger awig
miwah tata cara
Sima adat manut dresta nganut aab jagat murub
gatra pawana
Ngetut warsa mapawak tan wenten leta-leto kene-
keto
Kadi be baboso genahang ring pasone, kedik wicara
lepug makarya
Yen ring Kuala Lumpur makeh guake memadeng,
memadeng geleng
Masebun ring kota ngendingang semeng wiadin
sore Ring Ang Mo Kio akeh mamutih dedarane
ngawetuang raga

Ring dija-dija pateh selem putihe
Sapunika taler ring panegarane iragane, nika
mawinan mamanah
Ngardi karahajengan sareng sami antuk puisi
Santukan puisi puniki ngardi landuh pikayun
Sida ngawetuang sang sadu dharma

Ang Mo Kio, Singapura, 12 Juli 1986

Ngempel Kota Pala

Ngempel Subak ngempel sabeh
Ngempel uma ngempel kota pala
Wangi semeng kembang kedisi sesapi
Mesekar ambra pamacul
Mejelun damuh sayong gulem
Dados indracapa Dewata

Tabanan, 29 September 1986



Masan Ngeluku Ring Carik

Masan ngeluku ring carik
Masan kedis perit makisid masebun
Mencegan ring muncuk-muncuk punyan-
punyanane ngerembun
Nyantos galang kangin
Ngenterang surya

Masan ngeluku ring carik
Masan kedis perit bengil
Nganutin salah
Jenar pantun bungah
Nganutin salah
Nasi jangan ulam
Sinduk garpu piring
Ngerincing
Nganutin salah
Alumbur toya ning
Nayuhin kayun

Masan ngeluku ring carik
Masan pamacul egar
Nuruhang acangkir kopi
'Anget
Seger

Tabanan, 3 Januari 1994

Para Dewatane Menggah Piduka

Para Dewatane menggah piduka
Sampunang icena gumulung megane pongah
Mepelalean sabeh dolar
Lukat sami budaya
Kidung langlang ulangun ring sejroning
tetanduran
Wantah indrajala Sang Saudagar
Nabuh tektekan
Nyilurin tegal carik
Dados hotel miwah
Lapangan golf
Tanah Lot bengong kaicalan mantera
Ajerih ngetor kaicalan bangras ombak
Lara karang jingane keicalan warna
Tan wenten genah misa mekipu
Tan wenten genah cangak matinggah
Tan wenten krama pacul tan pasubak carik lan
tegalan
Tan wenten dupa sekar menyan tan papuri Dewi
Sri
Para Dewatane menggah piduka
Sampunang icena gumulung megane momo
angkara
Dados sato tetemperan
Nyula adat Dharma

I Gusti Putu Bawa Samar Gantang

Ring pulina Dewata
Sampunang icena ngkong-ngkongge
Ngangge awig prekangge
Nadosang saluiring indik dados
Asu masuara kong
Sekimon gelisan kaing-kaing
Kelangseg antuk sang saudagar
Sane girang ngakak ngelarang momo angkara

Tabanan, 20 Januari 1994

Sayu

(Majeng ring I Gusti Ayu Made Susiati)

Sayu

Wentenke warna sukla angen titiang bekel lila cita

Sajawaning abang, jenar lan nila

Titiang uning kala rahinane madrue tatujon

Genahe madrue masan

Jatu karmane madrue guat

Beneng

Lung

Lengkong

Miwah majelun

Orat-oret titiange paindikan

Toyan panon akasane sane mamasan

Saking segara mawali ka sagara

Nudut panyumpenan-iragane

Sayu

Pamuputne paningalan kemaon mabaos

Boya suara

Suara sakimon buah unen-unenan

Paningalan nyengkerin iraga

Sejroning sabeh gurimis

Ngungkab langse

Raab nggang

Kori, jendela maampakan

I Gusti Putu Bawa Samar Gantang

Sayu sujatine paningalan iragane
Nyikiang angkasa lan pertiwi
Dados segara ati
Diastun iraga ngajeng tempe miwah tahu
Tan pakecap miwah sambel
Tan pasuara
Nyugiang kenyung miwah alus penampen
Nudut bungah manah, sekar jempiring ring natahe

Tabanan, 14 Maret 1994

Mapas Pawana Masa

Jagike baskara wusan mapas pawana masa
Samar saru asepe uyak peluh lan rah
Ajag - ajage metapel sewu muka
Mabusana pandita
Lue wanadri
Makecos saking gambut kagambut
Ngarenda sayong asepe ngiris jiwa
Maka sami uying kamuh tanpa rupa tanpa warna
Sane cingak kemanten muka-muka raksasa
Sane piragi kemaon ica-ica raksasa
Mulah malihang tetarune dumadi dudus layu
Duh wanadri sane kalara-lara
Warikusa, kukasa, taler geseng ring tepi siring
Sarwa sekar mesalin warna
Sarwa paksi kemanten kapireng wantah suara
Kunang-kunang ngicalang lawat
Sesek kisek macampuh kukus asepe ndang
Geleh ewa jelun serak segara
Mungmung telabah tukad tanpa ulam
Kabelet pancang-pancang kambang kerang warak
Wentenke angkasa wilis gumi kalis
Gumintang kaicalan kliab
Linyok wengi
Matetayuban tuak wayah
Tuah punyah kuasa akesep

I Gusti Putu Bawa Samar Gantang

Suganda cokor-cokor ngetor ireng sueta awor
Ring padang wulan mapas pawana masa
Duh banggiangja iraga sareng sami lue
Sakemaon wanadrine asri
Mawasuh damuh giri miwah lebu
Banggiangja makara miwah kila-kila
Macengkrama ring taman parangane
Ngiringja iraga sareng sami
Nginum acangkir kopi anget
Mabena pait manisne kauripan
Maenjakan ireng sueta pala karma
Banggiangja abing batu padang lumut gambut
Wanadri tegalan carik ambun ngewayangin rahina
Nalangin warsa ngawilangin yusa
Mapas pawana masa

Tabanan, 7 Juli 1995

Puniki Gumi Matatu Miwah Lue

Puniki gumi matatu miwah lue
Ring tegahing sumbringah ayuta damar
papayasan
Sadawan marga ageng kemahardikaan
Ring tengahing umung kidung kota raja
Membah bangras
Ngarayunin dauh miwah genah
Sumpena miwah angen
Satua miwah purana sane sunyata
Madasar suryakjempana kemahardikaan

Puniki gumi matatu miwah lue
Puniki purana sleka
Wana sudagar miwah sang mawerat
Taman kuasa miwah usaha
Tegalan kulawarga miwah-nyama braya
Ngamanggehang kapatutan miwah genah
ngawangun
Ngawangun gemuh raga landuh suara
Nulak awig adat lan agama
Ngusakasik Tri Hita Karana
Ngawetuang jagat aruh hari hara
Puniki gumi matatu miwah lue

Kasusupin pawana kamahardikaan
Kagenahin pudana, andara pawah
Miwah ajag asu priyayi lue tanah
Taler jero ketut mataksu ririh, luih, sugih
Nguub buut aab jagat

Tabanan, 21 Juli 1995

Candi Sukuh Lan Ceto

(Sareng arin titiange Drs I Gusti Nengah Nurata)

lawat sarira purana
nila watu semara
ruwat taksu kala
ngecorang prasasti bega

Solo, Karanganyar, 13 Juli 1996



I Gusti Putu Bawa Samar Gantang

Hening Jagat

Suaran paksi kairing bayu marerengi
Kesawitrain kidung warga sari
Asri genta muah saa enggengan pamangku
pakabayan
Ring Pura Kahyangan Tanah Lot
Sami herep tuncup ngangkepin kayun
Ngerestitiang kaheningan jagat
Manut sekadi bayu, sabda, idep
Hening sagara gunung
Hening langit
Hening gumi
Doh saking aruh hari hara
Doh saking tabuh karaksasan
Ngodag-ngodag momo
Nyapa kadi aku

Doh, doh, dohsadripu !
Ngiring mangkin ngerestiti
Mangda ning jagate

Tabanan, 9 September 1998

Ngetohin Jengah

Subak Kota Pala Tabanan galang narnar
Makenyah jalan aspal
Makenyir umah matingkat

Uma mabibih umah
Uma sayan tiban sayan nyupitang

Amah uma amah
Amah dadi umah
Ngetohin jengah
Ngaben, Masangih, Nelu Bulanin
Gumanti uma keskes poleng
Masiluman umah matingkat
Umah cina nyiwa-raga
Nyihnayang kawikanaan madagang

Subak Kota Pala Tabanan sayan kiap
Pekasehe ngipi makeber
Duur jalan aspal by pass Kediri- Pesiapan
Tur magelebug pelenger jengker bunker

Sawireh Subak Kota Pala Tabanan onyah
Saling timpalin
Ngadol tanah ngetohin jengah

Uma dadi umah
Amah uma amah
Cakcak, pakpak
Paling kedis - kedise ngungsi

I Gusti Putu Bawa Samar Gantang

Jumah - jumahan magadang ngae sebun
Ngalih amah mati layah

Yan wengi bintange di langit sengi-sengi
Malinge ngencehin bulan
Yan galang kangin langite barak makerag
Liu anake kecopetan
Yan langite pelung inggung
Gumi panes baan endange lantang
Gumi panes baan gununge lengar nyablar
Gumi panes baan alase telas tastas saplar
Yan langit gulem remrem
Turmaning hujan ngalgal sedina-dina
Umane kelem, petanine gelem
Dagang ese deem, kutang ese pedalem
Baang pianak kurenan ngeregeh ngejer
Buka jineng petanine dadi satua maprada
Puyung tusing ada apa sejabaning enceh teken
tain bikul
Dija-dija bikule ngerusuh yan pisuh
Ngandang nganjuh salah angkuh pati kacuh
Subak Kota Pala Tabanan sayan kamuh
Ngetohin jengah, ngetuhin peluh
Ngeruruh rurung, ngelingkung inguh
Berek kajur pati kaplug kadi cicing berung
Duh Dewa Ratu Agung icen damuhe wasuan apang
asuh landuh
Ngipuh taksu merta marerengi makidung pangkur
Mapupuh pantun mangda Dewi Sri tan salit kayun
Ajeg nyeneng malinggih ring Pura Bedugul

Tabanan, 17 Januari 1999

48 Parte

(I)

Desa kota
Punyah sepanduk tanpa unduk
Kaos stiker umbul-umbul
Wewidenan pokoking kala
Kasihing jelun
Asih asah asuh kinasih makrama nasi atekor
Magending manahing pemacul
Wangi pemilu 7 Juni
Ulap silapin barak pelung gadang
Bebas ngeleb mahardika !
Jenarne ring napine ?
Ha ha ha!!
Akasane setata mewarna
Tanahe biasa-biasa kemanten

(II)

48 parte makata iba-kai
Ene mara adane ngalih gae
Bibih lebih dadi tebih
Bibih kuang dadi kutang
Bibih pada dadi wada
Wada wadanang parte
Tusing dadi anggon sate
Kemaon garang buyung bangke
Yen awake mula sele
Matane sere

Liunan ngamah jae ajak sere
Dadi ewa wara-were
Maling magending maling
Dadine paling
Kone abdi negara panjak krama
Ngiring kayun krama
Pamuput dadi kuasa negara
Ngedum tanah lan jinah krama
Nganggen sabuk wangsa lan negara
Yeh! Dong dadi parekan wong corah
Ngaguang bedil mimis gadang
Anggon angkab-angkab barong somi
Makipu di bungut paon
Tendase bek misi aon
Omongane onya kaon
Gigi ngetor
Ngutgut botor
Bungut bengor naar don kelor
Mapi-mapi denguk cara penjor
Jani eda guguna
Munyin bungut beboso
Basang betek bengkeng ngomong pelo
Ngacobelo cara kebo
Ntosuba ngeranayang kramane koh ngomong
Sawireh tusing ada apa
Langite ngeling gumine paling pasihe gelalang-
geliling
Sengi-sengi ngerestiti gumi santi

Tabanan, 7 Juni 1999

Pura Uluwatu

Ring sukra Kliwon langite pelung inggung
Taler segarane pelung inggung
perahu-perahu menegane murub ngurub langit
segara
Bojog-bojoge kecag-kecog mataksu benjul
Semune guyul
Bungutne kemak-kemuk-kemik buka kembangan
upin
Kejangat-kejingit, kejat-kejit di jepune ane ligir
Ebone engas tur sengir mangsit
Sumengkek nyogroh juwuk, biu, salak, apel, anggur,
bangkwang, taluh
Agul gadag-gidig, saksak-siksik di bibih abinge
Sampunang bengong napi malih bingung
Tuah puniki siman bojog
Cingakinja turis-turise makenyem kendel
Ngantenag agung luhur nusa Dewatane
Ngiring mangkin sami bakti
Manut sekadi tetujone meriki
Ngerestiti ring Ida Sang Hyang Widhi
Mangda rahayu sareng sami
Jagate trepti santi

Denpasar, 9 Juli 1999

I Gusti Putu Bawa Samar Gantang

Tanjung Benoa

(sareng pianak titiang I Gusti Ketut Adi Dewantara)

Gambar sagara neng
Mekeber layar perahu
Makudang-kudang menega
Pasemengan sampun makarya
Manggih lawat langlang ulam
Ngilihin kayun

Denpasar, 3 Agustus 1999



Sugih Sakit

Titiang boyaja layangan maurip antuk angin
Taler nenten perahu menega sane magubeg ning
pasisi
Arep ring gulungan ombak sane keni leteh
Cingakinja pasih Kedongan Tuban, Tanjung Benoa,
Sanur, Kuta
ngamplek ebon
bene andih
angine nami tan uning miik, pengit, andih
napi ja nenten sami kabuatang
irung menegane sampun kamuh antuk ebo
sawireh ebo punika bobot tutur urip
abot sekancan gumatap-gumitip
taler kapal layare angob baan angin
napi malih pindekan, sami melinder
titiang boyaja layangan urip antuk angin
titiang tuah kedis pasih bengil sugih sakit
sakit baan genah turise nyangih kulit
baan keluwihan matan ai Baline
sakit baan akehne menega tawah
ngemaling be tusing ada ngwelin
sakit baan pasisine seliwah
hotel-hotel, bungalo makacakan
sakit baan Baline sekadijaja lapis saplar baan dolar
bukit, gunung, pasih, pangkung, abing sami
sugih sakit

Denpasar, 3, 4, 5, 6, 7 Agustus 1999

I Gusti Putu Bawa Samar Gantang

Nang Kuasa

Manawita mangkin sampun aab jagat
Ngomong kauh matandang kangin
Nuding kaja engkik-engkik klod
Parisolah jangkrik ring masan
Kacang kadelene mabunga
Ngring mapi-mapi olas
Nanging sujatine ngoles
Mangkin rugi mapikat
Sawireh jangkrik-jangkrike kadi dedalu
Ngrubung tiang listrik ngendih
Cenik kelih tua bajang rame batan galange
Morosin munyi ngadu gigi
Mumbungin jangkrik kalung
Melastikin jangkrik bawan, jangkrik ketekik,
jangkrik kalian, jangkrik kanyitnyit
Tambus, goreng, daar lan baangin siap
Sawireh kaliwat seduk mapunya
Baas, lengis, be, kalbasa mael
Laut ada jangkrik makudung
Makaca jebug, makenyung bues
Tresna nyingkuhin dolar aji rupiah
Ngedumang nasi bungkus
Luih, ririh, sugih, kantennyanne
Nanging sujatinnyane ngangkuhang pipis gumi
Baan ngelah Nang Kuasa

Tabanan, 9 September 1999

Ni Lasti Wangi Ayu Puspa Jagat Bali

Ni Lasti ayu tan makadi-kadi
jegeg maketeg-ketegan
langsir lanjar mawak sangsangan
rambutne demdem samah tur lantang
mamua nyampuah tan bina kadi Dewi Supraba
wangi matekes sandat cempaka
kenyir manis sliag-sliog sledet tatit kejit nguncang
ngranayang kanah Nica Belandane
nrugtag - nrugtug
Sami anake lanang paningalane gadang
angob baan kaluihannyane
kenten taler Wagimin
sane dados kepala polisi Nica ring Tangsi Tabanan
angob tur resep ring paindikane Ni Lasti
pinaka delik sandi, dados panganter soalapatra
prakanggo Letkol Ngurah Rai, Mayor Debes
nyentokin Ni Lasti ngarepin Nica Belandane
nyaru madagang
(soalapatrane kalepit ring tengkuluk ipun
polisi Nica Belandane sami tan uning)
madagang kalbasa, beten kalbasane madaging
soalapatra
makta akranjang buah meninjo madaging mimis
pelor
muatang busung di tengah ipun madaging bedil
Stap dane ring Taman Jaring Belayu
ngalerang ring dangin Pura Pangastan
Ni Lasti sadina-dina madolan kembang rampe

I Gusti Putu Bawa Samar Gantang

Ring warung nyane mawasta Canag Sari
Ring Pasar Tabanan
Bungan ipune lais tan makadi-kadi
Ni Lasti wang ayu puspa jagat Bali
Sutindih ring revolusi kemerdekaan
Manut sekadi perjuangan wadua Ciung Wanara
Sane kamanggalaning olih Letkol Ngurah Rai
Wagimin kepala polisi Nica taler sutindih
Briuk samelulungan sareng Ni Lasti ngatur strategi
perjuangan
Sane kamanggalaning olih Mayor Debes ring
sektor kota Tabanan
Ritatkala wulane depdep
bintang-bintange ngep
angine sirep
cicinge ngilgil pules
turmaning teja sunar lampu sorote
nyorot ngalangin pucuk don nyuhe
sane wenten ringjaba Pura Dalem Tabanan
irika cihna sregep siaga wadua Debes
Petugas jagane tanpa tehen karauhin
antuk satru bangras gondrong-gondrong
senjatane sane ring gudang saha perangkat kantor
sami karampas antuk wadua grilya
kaanggen ngelanturang perjuangan nglawan Nica
Belandane
Ni Lasti wangi ayu puspa jagat Bali
Sutindih ring kemerdekaan - Republik - Indonesia
Sutindih ring perjuangan Ngurah Rai

Tabanan, 14 Agustus 1999

Warsa 2000

Warsa 2000

aab jagate sadripu nyapa kadi aku
bungut bebosone makipu dinyanyade
ne buta dadi ngenot
ne buduh dadi tegteg
ne rumpuh dadi mejalan
ne lawat dadi ngraganin paawakan
samian nelik ngejingit ciplak-cipluk
ngalelawang
barong bangkal
barong bangkung
barong jantung
barong landung
barong kadengk leng
barong buntut
barong rentet
barong sampi
barong samong
barong singa
barong badak
barong gajah
barong jengki
ngalelawang
angkab - angkab barong sami
samian nelik ngejingit ciplak-cipluk
layah betek kamuh
kalan
i kolo
i kako

I Gusti Putu Bawa Samar Gantang

0
i enggong
i srenggong
geng gang geng gong
kadi bojog ngamah engol
kmak-kmuk anggut-anggut
kejat-kejit ngejingit
samian tawah
pawah
elah
aluh
uluh
natuh busul
bungut besul
arah-aruh
inguh
kadi kedis puuh lan siap sangkur
cebar-cebur
cegar-cegur
ngelur
tuyuh
belur
padine sampun dadi baas
baase sampun dadi bias
saplar umane saplar dadi paumahan
jinenge dadi leneng cekian
pos kamblinge dadi tongos maroman-roman
dong sami bolong tan dados gorgor
orog-orog elag-elog
kolonge goloh
makejang pocol encal-encol ngetor
gragah grogoh ogoh-ogoh
ngrupuk kpak-kpuk kitak-kituk

tata tutu titi tutur tinular
tutur cicing gudig matapa
tutur wraspati kalpa
tutur maya sandhi
tutur bajra sandhi
tutur budha kecapi
tutur gong besi
tutur usadha-usadhi
tutur bengong meng cicinge ngukir tembok paon
rikala sandi kaon bayune oon
ne ngukir nyangihin kuku
krejang-krejing apang tunccep lanying
ne glitik mapak sepatu mapak sandal
baan gigne genit kuliran
mangkin seduke saru ajak wareg
kriak-kriok cacingan
poyok tusing nawang jam tembok
matan aine siong langite belong
jeg suba nyaluk milenium katiga
jeg tetep mepangsekan
nguyeng tambah di carike
ngandong karung di pekene
muter sepeda kekantorne
kanggeang kantun sayah
ngajeng sambel bawang, sambel jae
sambel sera, sambel sere
sambel pencok, sambel kekicang
nasi ibi upin-upinin
lengis pindang colek-colekin

Tabanan, Saniscara, 1 Januari 2000

I Gusti Putu Bawa Samar Gantang

Peteng Dedet

Kenehe keldat-keldet
Sampet
Tempal metene tan matimpal
Sempal jengah punyah
Ne cerik
Ne bajang
Ne tua
Makejang balbal
Koh kedat
Kadi sampi kere
Tuara ada apa
Apa api
Apa apah
Apa teja
Apa akasa
Apa raksasa
Apajampi
Apa pertiwi
Sami pelud
Tan rered - rered koled
Ugal agul
Ogol ogol
Kalul

*Tabanan, Wraspati, 6 Januari 2000
Wuku Dungulan, Sasih Kaenem*

Pura Segara Bulungdaya

Angin segarane ngukir abing
Lemi kadi sisik naga nguad lantang dawa
Ombake nembang lemah peteng
Pandan, camplung, ketapange ngesirsir
Ngulapin arip
Sangkaning suryane nayuhin kayun
Kramane makidung, gonge macegur
Pamangkune ngelarang genta sari
Nyarining hening
Sami trepti mabakti
Ring pura Segara Bulungdaya
Saking Jro Tengah, Ersania, Bluran, Samping Boni
Bebali, Klecung, Antap, Titih, Tangguntiti
Rauh tangkil nganem sasih
Rikala patirtan
Nuju Wraspati Manis Wara Pahang
Sami tuncap telep ngerestiti bakti
Hening telagan kayune
Bungah bungan tunjunge
Liang katak dongkange
Nembangin sasih kawolu

*Tabanan, Wraspati, 10 Februari 2000
Wuku Pahang, Sasih Kawolu*

Langit Paling

Sangkaning Ida Cede Macaling ngelem gelem
kacang
santukan momone masari mangkug
sami tanahe karagrag berag akig
dadosne taru cendanane malekag
Sing asing kadauhin ringjaksa agung
rumaku sungkan gring agung
Semalihne sane patut ngadilin salit kayun
Sakemaon mabaos makulit
Belig sakadi be julit
Ngerikrik genit kuliran
Beh kenten anake sane nenin kuasa mabasa keta
Mangkin mabaos baan jinah
Benehe, Dharma patute dados pejah
Mangkin udeng poleng, kuaca poleng
Kamen poleng, saput poleng, sabuk poleng
Sami poleng
Poleng polenge pesu mamesu
Gumantos saplar ragane pelung inggung

*Tabanan, Anggara, 15 Februari 2000
Wuku Krulut, Sasih Kawolu*

Pura Luhur Lempuyang

margi kilak-kiluk ngamunggahang
ngaranjing ring candi bentar
maundag 62 panta
ayu Pura Penataran Agung Hyang Gni Jaya
tigang palinggih nyeleg sarwa putih
suang-suang parba mauparengga Sang Hyang
Cyntia
wenten ring sor mapinda Bedawang kelilit Naga
Rarik
wenten tigang pelinggih meru matumpang tiga
wenten piasan lan gedongan
sami maparas putih
suang-suang palinggih nelasang serana pebaktian
luir ipun kwangen asiki, dupa asiki
kayun asiki bakti ring Ida Sang Hyang Widhi Wasa

margi kilak-kiluk ngamunggahang
nylupsupin bangkiang gunung
kirang langkung doh ipun 3 kilometer
ring samping kiwa tengen kaapat jurang
sahananing ring sor katon asri
sampun rauh napak Pura Telaga Mas
toya anakan ngecor ring unkur pelinggih
sayong tebal ngukub iriki
nyusup ring taru ngetuang atma sarira
wenten asu selem ngelincak
wenten bojog magelantungan
paksi lan jangkrik saling sawurin

I Gusti Putu Bawa Samar Gantang

ngiring oncaran Wedha sang Pemangku
margi kilak-kiluk ngemunggahang
ring undag 384
lan jangih suaran paksine nguci
rawuh ring Pura Sawang
wenten kalih palinggih, ageng asiki
wenten telaga medaging ulam, emplegan
tunjung putih biru jangkep paileh ipun
alase meombakan sayan doh sayan saru
keampehang angin segara

margi kilak kiluk ngamunggahang
nuluh penyatuan undag
nuju Pura Lempuyang Madia
Mangku sampun nyantos
wenten tigang palinggih asiki piasan, asiki
gedongan
sayonge tebal magibel
badeng sakadi ban montor matunjel
kantos alas ring arepnyane tan kanten
tebing ring sor taler tan kanten

margi kilak kiluk ngamunggahang
ngelintangin wit pandan ageng
akah ipune ageng-ageng
maideran keliput sayong
rawuh ring Pura Puncak Bisbis
akeh pacet
kewala irika pelinggih asiki
tunggil hening mebakti

margi kilak kiluk ngamunggahang
sampun tan kawilangan mali akeh undage
rawuh ring Pura Pasar Agung
sayong janten tebel
tanah kalintang nyem
wenten palinggih ageng asiki
wenten piasan ageng asiki
sayong lan alase sekadi nyihnayang
kaluihan pangubaktine
margi ngamunggahang
sayan negehang kadi rasa ring kahyangan
rawuh ring Penataran Luhur Lempuyang
Langit sinang, tanah anget
sekadi ring swargan
wenten pelinggih ageng asiki, candi bentar, piasan
lantang
nyatur desa tumbuh tiing buluh madaging tirta
pakaryan
Ida Betara Gni Jaya
Tirtan punika dados kalungsur
antuk sang madue karya
anggen muput upacara yadnya
bojog sane wenten irika sekadi kimud
boh lan benjul mabalih sasuen titiang mabakti
mengkeb ring ungkur tarune sane madaging
sayong
ambun sekar lan asep dupa
dados asiki ring sayonge jejer

*Amlapura, Wraspati, 9 Maret 2000
Wuku Medangkungan, Sasih Kasanga*

I Gusti Putu Bawa Samar Gantang

Pura Mandara Giri Semeru Agung

Suaran balang kasaurin suaran paksi angasih-asih
Ring luhuring pelinggih Padmasana Agung
Mauparengga Sang Hyang Cyntia
Mapinda Bedawangnala
Ritatkala Purnama Kasa
Upacara Piodalan Ageng
Penyungsung gunung Semeru Ngastiti bakti
Ngastawa Ida Sang Hyang Widhi Wasa
Maring Linggih Ida Betara
Dasa kilometer doh ipun mamargi
Nunas tirta ring Klosot
Mailing gamelan miwah kidung suci
Tedung, rontek, umbul-umbul
Putih kuning neduhin manah
Desa Sendoro, Kecamatan Sendoro
Kabupaten lumajang
Sane mangkin Jro Mangku Misto
Jro Mangku Satomah Lan Jro Mangku Ngatimin
Semeton saking tosning Gunung Bromo
Rarud rauh 1400 Saka sane sampun lintang
Masayuban Pura genah nunas pangampura
Ngrestitiang jagat
Jatma, lan sarwa gumatap-gumitip

Lumajang, 31 Maret 2000

Pura Agung Blangbangan

Ring Pura Agung Blambangan
Rikala Sang Surya surup kauh
Mangku Mas Sarmidi Antara
Nembangang kakidung Jawi
Kasarengin suaran genta pangastawa
Kairingin puja Tri Sandia sewatek sisia
Sami ning bakti
Tuah asiki
Genah ngerestiti Ida Sang Hyang Widhi Wasa
Tuah asiki
Palinggih suci neduhin satak keluarga
Tuah asiki
Tetamian leluhur sane kukuh
Mangemban pawisik Padharman
Kawitan Mas Taman Pule, Gianyar
Tuah asiki
Segara - Langit Jawa- Bali

Blambangan, 31 Maret 2000

I Gusti Putu Bawa Samar Gantang

Gelah Pecalang Gadang

Gelah pecalang gadang
Ngagemang siman agama adat
Lan awig-awig banjar

Gelah kuasa negara kuasa usaha
Maraga gumi malawat langit gadang nyalang
Galang keluarga gelah-gelah
Manak dolar mecucu rupiah
Maganda cendana

Gelah tedung jagat
Segara gunung matetaring bedil
Nyen tempal
Geleh teken ngelah
Tan dumade
Kabalbal dumados komoh anyang
Ah ha ha ha ha ha ha ha ha ha !
Gelah awig-awig
Gelah awag
Gelah uwug
Gumi mangkug gering agung
Ah ha ha ha ha ha ha ha ha ha !

Depang alase tastas guake ngalgal
Kotane bet baan beton
Tukad ,beno, pesisine

Lete, plenger, jengker, bungker
Ah ha ha ha ha ha ha ha ha ha !

Depang asune pasliwer, bene pakeber
Alase puun
Depang sabehe tedun lan blabar agung
Sawireh apa ada pakpak, cakcak, amah
Sawireh bangke iba hidup kai
Ah ha ha ha ha ha ha ha ha ha !

Tabanan, 13 Mei 2000

Merah Putih Benderan Gelahe

Merah putih benderan gelahe
Mataksu rah lan walung
Jengah jajah welanda
Mawit saking Cornelis de Houtman
Lan de Keyzer
Kampih ring Banten Jawi
Singgah ring Pulina Bali
Kahkah kehkeh
Dumados pakembar tajen wangsa
Matandak momo angkara
Pongah
Layah
Nyakcak
Ngamah
Nyahjah
Pariwangsa warnane
Lalah
Luhluh
Lehle
Malara-lara duka
Kemanten wenten watesne
Bali boyaja mameri layah muati
Monoh keangonang merika-meriki
I Gusti Ngurah Rai muah laskar Ciung Wanarane
Lascaria maka satria sujati

Puputan ring Margarana
Mabela pati ring jagat Baline
Manut mabuat
Sekadi wacana Soekarno- Hatta
Sami anom-anome matangi trepti egar
Ngawetuang gelanggang
Merah Putih benderan gelahe
Mataksu rah lan walung

Tabanan, 20 Mei 2000

I Gusti Putu Bawa Samar Gantang

Ling Lubak

Pekantennyane lubak sengkil ring tegal, pangkung lan
alas
Sakewala suaran ipun wenten ring mungmung
wengi
Mangkin ring bale wantilan sane uug
Ring tanggun desa mapupul
Pacentokan wewiletan sakancan lubak
Masayaga-sayaga ngadu ling
Santukan galahe kedik gelisan galang kangin
Kairing suaran gender marerengi
Suryane nerder matangi
Lubak ngeling nanging matane tub
Akeh mangkin lubak ngawe letih manah
Wenten lubak bonglak, lubak pawah
Lubak buntut, lubak jring
Lubak ginceng, lubak injin
Ngeling sengi-sengi gigne ngajingit
Angkih - angkih ampuang angin
Wentenke angine uning iwang patut
Sane sumeken miwah moyanin
Santukan mangkin aab jagat
Akeh ngawe bingung
Raris masiringan ring anak wikan
Sapunapi maka sujatin ipun
Sumangdene titiang, ida dane, tan kari bingung

*Tabanan, Redite, Juni 2000
Wuku Ukir, Sasih Sadha*

Gunung Batur Makeplug Malih

Gunung Batur mekeplug malih
Ngewetuang andus madaging aon makadus
Sakadi ngigel ngunggahang terus
Egal egol endihan genine
Batubara ngumbang kadirasa
Ngumbangang widiadara widiadari
Ngiderin Meru Pura
Nyembah dresta kuna
Mataken ring manah
Wentenke reracikan sane sampun lumrah
Ring endang wayah masan sayah
Matetanjenan dagang acungane
Ring para tamiu dura negara
Wentenke eling ngerestitiang
Paksi jalak putih
Mangda mawali kesebun nyane

Tabanan, Saniscara, 22 Juli 2000

Wuku Juluwangi, Sasih Kaesa

Sandikala Ring Jero Kuta Jimbaran

Sandikala ring Jero Kuta Jimbaran
Ring margi Tegal Sari
Wenten krama Banjar satak diri
Ngetut Uwa Gingsir
Niti surya lingsir
Tan wenten kakidung
Tan wenten gong macegur
Sami lemlem kalem
Paling arep asepe sambuk
Sanggah cerukcuk
Bale-balean madaging sawa
Membat kasa
Iring-iringane dawa
Mamargi ka setra
Makepuh dadua
Nyuung galah
Santukan maadung karya agung
Ring Pura Sakenan Badung

Jimbaran, Wraspati, 17 Agustus 2000

Wuku Langkir, Sasih Karo Katiga

Mekiis ka Segara Yeh Gangga

Sawireh wenten ngenteg linggih
Tirmaning patoyan jelih
Mendak tirta ring Dalem Puseh Bale Agung
Saking Banjar legal Belodan
Lungga makiis ke segara Yeh Gangga
Ngedas lemahe kantong mungmung
Bulan pangelong nerder keider ambun
Ngunnguntedung puyung
Gonge macegur ombak segarane majedur
Kakidung warga sarine ngunngun kayun
Pemangku nyuaraang bajera genta
Turjapa mantra
Umbul-umbul rontek tedung pagut
Keper-keper perper
Sabehe tedun nguribis
Pinaka Pendet Rejang Dewa
Mendak Ida Betara turun kabeh

Tabanan, Wraspati, 21 September 2000

Wuku Merakih, Sasih Katiga

Agama Lan Adat Ring Pulina Bali

(saking lulut tresna asih ngagemang raga masikian)

Yen iraga maadat anak mula kadat
Sawireh keldit-keldat
Cara yeh gunung nuluh tukad
Batu parase sesambat
Kewala galang nandak segara
Tur sampunang metengin langit agama
Sawireh agamane punika agem iraga
Numadi dadi jadma apang dadi moksa
Nah jani perangin satru sadripu
Sane mengkeb ring manah manusa
Manusa dana mada mabuk kerana arta berana
Manusa widya mada mabuk kerana leluhur
Manusa aicwarya mada mabuk kerana kuasa
Sane becik manusa abhaya usaha
Mangda ical baya
Mela sane sengsara
Nyegjegang danda niti
Melanin abhaya dhana
Ngewangun negara mangda sukertagama
Ngagemang agama lan budi pekerti
Napi gunane dueg yening duleg
Napi gunane sugih yening sera mekikih
Napi gunane danda niti yening kalolohin antuk
jinah

Sampunang makarya ane boya
Depang jagat Baline ngelungker ngraga
Carik ngelingkerin bukit
Wenten bengang ring tanggun desa
Lan tembok polpolan maraab somi
Jineng bale gede maraab ambengan
Wewangunan nganutin kosala kosali
Adat manut dresta
Subak ngasubang kertamasa

Tabanan, 3 Oktober 2000

Buut Jagat

Sira tan tiding ngantenang jagate mabading
Angin paling saking pascima
Ngawetuang bayu sabda sengkala
Nyolahang arta kama semara
Ngolahang dresta kuna
Pinaka asu kasmaran tan miragi genah
Margi rame utawi pasar
Nget det det det ngelimbakang semprong meprada
Meh ratu kenten taler ring pulina Bali
Makeh dedarine tedun ring margi
Betel tingal langit sungsang mawak sangsangan
Ngardi lindu ngojar gumi
Gumanti miah ngadonang anyang
Ngamedalang komoh pecalang lanang
Alit utawi linggsir sami kesar - kesir
Girang kajakan nandakang sengkala
Ngangobang gending Pariwisata
Lali ring Dharmaning Pemacul
Lipia ring Tatwan Dewi Sri
Tan eling ring Sésanan Pasubakan
Oding munyahang Aids lan Narkoba
Aud aad tan sida malasang
Dumados banget nyengkalen
Muutin jagate sami
Saketog Manca Negara

Ewuh pekewuh
Kapongor gorgor temah Betara
Makayuktinnyane para lingsire
Tan mresidayang ngurukang alit-alite
Santukan buut jagate saking banget pisan
Napi malih tuna kewikanan
Diglis ngerasanin enak tan eling ring raga
Ngelarang sane boya-boya karangsukan Butha Kala
Mangkin sapunapi antuk mejahang
Nulak angin gering agung punika
Mawinan sang Aids lan Narkoba
Sampun tunggil tunggal masikian
Tan pilih ngitung napi
Mangkin ngiringja agem lemat marai kalih
Sane asiki panangkane patut pademang
Malih asiki sane wau mentik patut puponin
Ida dane pastika malaksana sane patut
Mapukuh ring jroning adnyana
Maduluran kulawarga asih
Makrama asih
Doh saking laku sane tan patut
Sutindih ngelarang Adat lan Kedharman
Teguh tur ajeg nganutin dresta
Encepang bayu sabda idepe
Depdep pageh ngerestiti Ida Hyang Widhi Wasa
Pastika dirgahayu santi

*Denpasar, Saniscara, 2 Desember 2000
Wuku Kulawu, Sasih Kaenem*

I Gusti Putu Bawa Samar Gantang

Aab Jagat

Mangkin langit mabading gumi paling
Kidung kidang kiding liunan oding
Kedeng kadang kodong liunan omong
Sayang soyong sayong
Olog bongol
Mangkin langit putih gumi bancih
Lelipi makules di bongkol tiing
Lelasan lelintah lelipan lelawah jerih lelawatan
Sekancan mata gadang ngandang
Katak dongkang bengong gondong basang
lengkong
Ane ngelilit ane ngutil lelipi lanying meklenying
Tusing dadi krejang - krejing apabuin tunggang-
tungging
Jit meleging sirsir angin sengir
Cengar-cengir ngejingit
Cara bojog Sangeh Kedaton Uluwatu Pulaki
Lempuyang
Makejit kacang masemu biu gelayung
Makenyem jagung mamata jaja begina masima
dolar
Cara kambing gudig bengil jenggotne nyujuh
tanah
Tuna amah bedak layah

Cara cicing kuliran jitne kena minyak angin
Krabang - kribing malaib paling
Cara bikul pisuh apa ada gutgut
Sane mamacul nduk lenglor uyak ujan ai
Peteng lemah ngetor tangkeb merana sayah
Aad aud ued uad aid segarane
Aag uug iig aug uag gununge
Aas uus iis ais ias alase
Aang iang aing aung aeng tukade
Aat oot uut eet iit uat tanahe
Aap iip uup eep aup uap apine
Aba aab jagat abra gamang !

Tabanan, Soma, 1 Januari 2001

Wuku Ukir, Sasih Kapitu

Kuluk Benjul

Kuluk benjul
Mokoh gelah geloh buka legong ngegol
Celing matane
Ngeleber kupingne ngilih-ilih
Kutal kutil ikuhne ngidig-idig
Putih soklat bulune adung manis batu
Tuuh wau tigang sasih ngasih asih tresna manah
Meng siap bebek ajaka kasih
Apa buin peturu kuluk randa-rundu saih guyu
Kitak kituk dangkrak-dungkruk umung egar
Kincang-kincung ngelimbak
Doh saking aruh hari hara aab jagat manusa
Sane ngelarang taksu momo angkara sadripu
Nadosang raga nyapa kadi aku
Sungsang ngandang melegandang uger adat lan
agama

*Tabanan, Anggara, 9 Januari 2001
Wuku Kulantir, Sasih Purnama Kapitu*

Soma Umanis Tolu

Rahina mangkin Soma Umanis Tolu sadurung natab
ngaturang sembah

Puniki kaatur kukus wangi wilat sekar akupak ring
Batara Guru,

Betara Betari sami taler Taksu Pradnyan Pengenter,
Ratu Gede, Dalem Gumi, Ratu Nyoman Batuaya,
Dane Jero Dukuh Sakti, nunas karahayuan mangda
rahayu damuhe maotonan sirajam temurun

Sujati-astiti niti tinut anut ngetut taksu ning wulan-
baskara

Ngayonin ambara ngewayangin-pawana asri sadu
dharma santi

Rahina mangkin Soma Umanis Tolu katatabang
banten asoroh canang genten punjung tebasan
teterag mangda mayusa

Napi ja iwang patutne, iwang nyingakin, iwang
mireng, iwang mabaos

Iwang mapineh, iwang matingkah, iwang ngajeng
miwah iwang tiosan

Sampun katebus mangkin antuk tebasan
pabersihan, mangda bersih

Tan keneng dosa, pait lidah, pait getih, pait balung
tulang Mangda setata ayu rahayu kagugu tur lanji
lan mataksu

Rahina mangkin Soma Umanis Tolu putune
magelang apang galang
Maotonan magelang benang, magelang besi,
matungked bungbungan

Lesung masehen, batu makocok pang kuat di
Marcapada Puniki banten panyeneng, panyeneng
tuuh, panyeneng urip

Ayab panyeneng ayab raris mewasuan mawija
pican betara Guru

Colek uyah, uek tebasan, labain tebasan, cicipin
ulambetutu taluh, kacang, pisang, saba, juuk, salak,
sirat, jaja begina

Rahina mangkin Soma Umanis Tolu kawawa lintang
kelapa

Lakunia angin, wataknia dharma sadu mawinan
bares akeh sawitra

Sakimon seneng sareng matempung indik anak
tios, setata mangda uning sane indik tan wenten
pasungketan ring putune seneng macentok jaga
mabela pekayunane, seneng malelungaan kinucap
kocap adung merabi ring otonan Redite miwah
soma utami Redite Kliwon, sapanika menggah ring
primbon sastrane

Rahina mangkin Soma Umanis Tolu-Dewania Betara
Bayu, pengawaknia

Sangkala gowa, paksinia taling lan Branjangan,
tarunia tengguli lan walikukun, buronia tengguli,

pesimpangania gedong ring arep jangkep,
lumbungnia tetep, lintangnia-lawean, parisolah nia
dharma dados ngardi anak tios seneng, sekimon
yening brangti
Sengkil pacang endukang, paidepania kukuh,
wicarania sumeken,
Neng ngarepin sangkacan prakara, jiwania satria
tan gelis rundah

Rahina mangkin Soma Umanis Tolu kejantenane
putune ajum
Sakimon sujatine teleb makarya, seneng
malelungaan miwah matetumbasan
Sajroning keni pakewuh, putune mresidayang
ngarepin Kapungkurpacangngamangguhinsubaga
wirya lilacita gargita
Rahinasane beciknganutin pakayunnya ngarepin
bala haya
Kocap inucap kakecap sengkalan keni katanduk
barang lancip
Mangda putune setata eling waspada ring rahinane
sane dawa

Tabanan, Soma Umanis Tolu, 15 Januari 2001

Cirin Gumi Paling

Angin naut langite eneng sadu
Bulane mungmung angkeb sayong madaging awu
Bintange girang malalung
Daat-duut nudut kayun
Maclengehan ring pelangkan segarane
Ombak mabet kebat-kebet matek parangan
Gununge ngutahang endut api
Linuh magenjongan
Alas puun
Abing embid
Sarwa wewangunan seksek pakrisek
Sarwa paksi ring genah ngrereh tatedaan
Bulunnyane aas tur nglempuh layu
Taksu engengane ngenikayang
Puniki cirin gumi paling
Gampang ucapang
Sengkil laksanayang
Damuh kamuh!
Api kasmarane ngeranayang buut
Kulawargane salah angkuh
Inguh!

*Tabanan, Anggara, 7 November 2000
Wuku Bala, Sasih Kalima*



Penyair yang juga seorang guru ini bukan nama asing dalam peta kesusastraan Bali modern. Putra asli Tabanan bernama lengkap I Gusti Putu Bawa Samar Gantang ini, menerima bakat seni dari kedua orang tuanya. Ayahnya seorang seniman petopengan, sedangkan dari pihak ibu bakat seni diperoleh dari neneknya, seorang dalang. Bakat dan minatnya pada

karya sastra ditunjukkan secara mendalam sejak ia duduk di SMAN Tabanan tahun 1968. Penyair ini pernah aktif mengisi siaran pembaca puisi di beberapa radio, antara lain RRI Studio Denpasar. Kini Jani Tabanan. Selain itu ia juga kerap diundang dalam kegiatan khusus oleh beberapa lembaga, seperti LIA Surabaya, Museum Bali, IKIP Saraswati, Balai Budaya Denpasar, STSI Denpasar, Taman Ismail Marzuki. Ia melakukan perjalanan kepenyairan ke Malaysia dan Singapura tahun 1986. Penyair kelahiran 27 September 1949 ini juga piawai sebagai sutradara. Teater Putih dan Teater Pelangi didirikannya tahun 1976-1978.

Penyair Modre Leak Lanang Leak Wadon Leak Kedi ini pernah meraih juara I menulis puisi se-Bali tahun 1979, delapan besar dalam pergelaran sastra di Taman Ismail Marzuki, pemenang lomba penulisan puisi nasional di Yogyakarta. Dalam karya sastra Bali, meraih Piagam Tanda Kehormatan Satyalancana Karya Satya 20 tahun ini pernah menjuarai cerpen berbahasa Bali, mengarang tembang macepat se-Bali dan lomba mengarang puisi, ia juga dikenal sebagai pelukis.

Puisi-puisinya banyak dimuat di beberapa harian dan majalah, seperti Warta Minggu, Simponi, Media Indonesia, Suara Karya. Kurang lebih 15 karya puisinya sudah dibukukan. Antara lain: Hujan Tengah Malam (1974), hingga yang terakhir Kawijayan. Antologi Puisi Sanggar Margarana (1995). Aab Jagat merupakan kumpulan puisi berbahasa Bali pertama yang dibukukan.



Lepitan 2 Salampah Laku

SALAMPAH LAKU



Komang Tri Wahyuni embas ring Buleleng, Gobleg 13 Juni 2002. Pangawi pinaka pianak kaping tiga saking pawiwahan pantaraning Bapak I Nyoman Suweden sareng Ibu Ni Nengah Yasmin. Pangawi ngranjing panegaran Indonesia lan maagama Hindu. Sane mangkin pangawi magenah ring Banjar Dinas Unusan, Desa Gobleg, Kecamatan Banjar, Kabupaten Buleleng, Provinsi Bali. Pangawi ngranjing pendidikan dasar ring SD No. 3 Gobleg lan lulus warsa 2014. Sausan punika pangawi nglantur ngranjing ring SMP Negeri 2 Banjar lan lulus warsa 2017.

Ring warsa 2020, pangawi sampun lulus saking SMA Negeri 1 Banjar jurusan IPS. Pangawi nglantur ngranjing ring perguruan tinggi Universitas Pendidikan Ganesha (Undiksha) lan ngrereh Program Studi S1 Pendidikan Bahasa Bali. Salanturnyane, saking warsa 2020 kantos ngaryanin skripsi puniki pangawi kantun terdaftar/aktif dados mahasiswa Program Studi Pendidikan Bahasa Bali Universitas Pendidikan Ganesha.

Lepitan 3 Samaya Swakarya Sisia

SAMAYA SWAKARYA SISIA

Malarapan rerepi puniki, titiang mapiteges inggihang skripsi sane mamurda Seseleh Intrinsik lan Guna Sarat Susila ring pupulan puisi “Aab Jagat” Kawian I Gusti Putu Bawa Samar Gantang miwah sadagingnyane sayuakti wantah pakaryan padewekan titiang taler titiang nenten mamada-mamada miwah nedun sasuratan antuk parikrama sane nenten anut ring sesana sajeroning paguron-guron. Maduluran pariwacanan puniki, titiang sayaga nerima pamidanda sane katibenin ring padewekan titiang yening kapungkuran kajantenang wenten parindikan sane lempas saking sesana paguron-guron sajeroning kakawian titiang puniki utawi wenten sane katuju ring kasujatian kria patra saking kakawian titiang puniki.

Singaraja, 09 Januari 2025
Sane makarya pariwacanan


Komang Tri Wahyuni
NIM. 2012051009